

A2 MAILA



BAT ZUK

^æek
20.korrika

2017ko martxoaren 30etik apirilaren 9ra
OTXANDIOTIK IRUÑERA

Korrika badator!

KORRIKA 20. *Korrika badator!*

Ataza honen helburu nagusiak dira, batetik, ikasleek Korrika zer den gogoratzea edo ezagutzea, eta bestetik, 20. Korrikaren berri zabaltzea. Aurrekoaz gain, mailari dagozkion hainbat edukiri erreparatzea ere izango dugu helburu, jakina.

Helburuoi heltzeko, ondoko ataza proposatzen dizugu.



Ataza: *Korrika badator!*



Ataza honen helburua Korrika gogora ekartzea da. Hasteko, gaia modu atseginean aurkezteko, Euskal Herriari, euskarari eta Korrikari buruzko datu bitxiak ikasten laguntzeko jokia egingo dugu. Ondoren, "*Korrika arduradunari elkarrizketa*" izeneko testua irakurriko dugu, eta, jasotako informazioa oinarri, lagun batek e-postaz egindako galderei erantzungo diegu.

HELBURUAK

- ▶ Korrika gaia eskolara ekartzea.
- ▶ 20. Korrikari buruzko informazio esanguratsuena eskolaratzea.
- ▶ Euskal Herriari, euskarari eta Korrikari buruzko datu bitxiak ikastea.
- ▶ Informazioa ematea eposten bidez.



Mintzatu



Entzun



Bideoa ikusi



Irakurri



Kanta



Jolasa



Idatzi



Ariketa



ATAZA: Korrika badator!

A. "Euskal Herria, euskara eta Korrika" jokoa prestatu.

- Ikasleei atazaren helburu nagusia eta egingo dugun jokoa aurkeztuko diegu labur.
- Ikasleek, binaka, "Zer esan nahi du?" ariketa egingo dute (4. or.):
- Ariketa denon artean zuzenduko dugu.

ERANTZUNAK:

Ekitaldi: evento

Lasterketa: carrera

Erraldoi: gigante

Arrakasta: éxito

Zeharkatu: atravesar

Iparalde: norte

Hegoalde: sur

Mendebalde: oeste

Ekialde: este

Garrantzitsu: importante

Lekuko: testigo

Lelo: lema

Omendu: homenajear, -a

Lurralde: territorio

Mende: siglo

Aipamen: mención

Herrialde: provincia

Arriskuan egon: estar en peligro

Hiztun: hablante

Euskalki: dialecto del euskara

Aurrekari: antecedente

Hedabide: medio de comunicación

B. "Euskal Herria, euskara eta Korrika" jokoa egin.

- Azaldu ikasleei jokoa arauak (5. or.).
- Jokoa hasi aurretik, "Jokoa prestatzen: apustuak" ariketa egingo dugu (6. or.).

ERANTZUNAK:

- 1. Egia da.** Espainiar konkistatzaile batek indigena bati alde hura nola deitzen zen galdetzean, hark "Yucatán" erantzun omen zion, bere hizkuntzaz, "ez naiz hemengoa".
- 2. Gezurra da.** Kanguru hitzak, jatorrian, "ez dizut ulertzen" esan nahi du. Ingelesekin australiar indigena bati animalia izena galdetu ziotenean, hark "Kan-Ghu-Ru" erantzun omen zion, hau da, "ez dizut ulertzen".
- 3. Egia da,** koimetérion hitzak "logela" esan nahi du.

- Ikasleak binaka jarrita, "Euskal Herria, euskara eta Korrika" ikus-entzunezkoa ipiniko dugu eta jokatzeko hasiko gara.
- Ikus-entzunezkoa osorik ikusiko dugu etenik egin gabe, eta ikusi bitartean, ikasleek arreta ematen dieten datuak jasoko dituzte.
- Ikasleek, binaka, jokoa agertutako adierazpenik interesgarrienak aukeratu eta komentatu dituzte labur: zein ezagutzen zuten, zeinek harritu dituen gehien... (7. or.).
- Bikoteetan esandakoak talde handian komentatu ditugu.

C. 20. Korrikaren aurkezpena irakurri eta informazioa e-postaz zabaltu.

- Ikasleek, eskaintzen zaizkien instrukzioei jarraiki, "Korrika arduradunari elkarrizketa" testua irakurriko dute (8.-9. or.).
- Testua irakurri ondoren, hitz berriak zerrendan jaso eta denon artean komentatu ditugu.
- Ikasleek, bakarka, Markelen e-postari erantzungo diote (10.-11. or.).
- E-postak ozen irakurri eta denon artean zuzenduko ditugu.
- Amaitzeko, 20. Korrikarako planak komentatu ditugu labur: parte hartzeko asmoa dugun, non, norekin...



ZER ESAN NAHI DU?

Irakurri ondoko testua eta saiatu asmatzen **letra lodiz** dauden hitzen esanahiak.



KORRIKA

Korrika, euskararen aldeko **ekitaldirik** handiena, laster hasiko da. Korrika **lasterketa erraldoia** da, eta **arrakasta** handia du. Milaka eta milaka pertsonak hartzen dute parte.

Korrikak, pausoz pauso, Euskal Herri osoa **zeharkatzen** du **iparraldetik hegoaldera** eta **mendebaldetik ekialdera**.

Korrika guztietan, elementu **garrantzitsu** batzuk egoten dira: **eskuz esku**¹ pasatzen den **lekukoa**, kanta, **leloa**, **omendua**...

Zer esan nahi dute hitz hauek?

EKITALDI: _____
 LASTERKETA: _____
 ERRALDOI: _____
 ARRAKASTA: _____
 ZEHARKATU: _____
 IPARRALDE: _____
 HEGOALDE: _____
 MENDEBALDE: _____
 EKIALDE: _____
 GARRANTZITSU: _____
 LEKUKO: _____
 LELO: _____
 OMENDU: _____




EUSKAL HERRIA

Euskal Herria terminoak, **hitzez hitz**², euskararen **lurraldea** esan nahi du. Baina **noizkoa**³ da termino hori? Zein **mendetakoak** dira lehenengo **aipamenak**?

Zazpi **herrialdek** **osatzen**⁴ dute Euskal Herria: Arabak, Bizkaiak, Gipuzkoak, Lapurdik, Nafarroa Behereak, Nafarroa Garaiak eta Zuberoak. Herrialde handiena Nafarroa Garaia da; txikiena, aldiz, Zuberoa.

LURRALDE: _____
 MENDE: _____
 AIPAMEN: _____
 HERRIALDE: _____



EUSKARA

Munduan, hizkuntza asko daude; zoritxarrez, gehienak galtzeko **arriskuan** daude.

Euskarak, azken inkesten **arabera**⁵, 714.136 **hiztun** ditu. Gure hizkuntzak bost **euskalki** ditu.

Euskara hizkuntza zaharra da. Euskal Herrian, duela asko, euskararen aurrekari bat hitz egiten zen: **aintzineuskara**⁶. Baina gaur egungo hizkuntza ere bada euskara, eta **hedabide** moderno guztietara iristen da: telebistara, irratiara, egunkarietara, Internetara...

ARRISKUAN EGON: _____
 HIZTUN: _____
 EUSKALKI: _____
 AURREKARI: _____
 HEDABIDE: _____

1. **Eskuz esku**: de mano en mano
2. **Hitzez hitz**: palabra por palabra
3. **Noizko**: de cuando
4. **Osatu**: formar, completar
5. **...-(r)en arabera**: según ...
6. **Aintzineuskara**: protoeuskara



"EUSKAL HERRIA, EUSKARA ETA KORRIKA" JOKOA

Jokoaren helburua.

- ▶ Euskal Herriari, euskarari eta Korrikari buruzko adierazpen bitxi batzuk egia ala gezurra diren asmatzea.

Jokoa prestatu.

- ▶ Jokoa hasi aurretik, "Jokoa prestatzen: apustuak" ariketa egingo dugu (6. or.).
- ▶ Ikasleek binaka jokatu dute.
- ▶ Arbelean, puntuazioak jasotzeko ondoko taula margotuko dugu: ezkerreko zutabean, bikoteak izendatzeko erreferentziak jarriko ditugu (zenbakiak, partaideen inizialak,...); eskumakoan, berriz, puntuazioak.

JOKALARIAK	PUNTUAZIOAK

Jokoaren arauak.

- ▶ "Euskal Herria, euskara eta Korrika" ikus-entzunezkoa jarriko dugu.
- ▶ Pantailan "Egia ala gezurra?" agertzen den bakoitzean, ikus-entzunezkoa eten egingo dugu.
- ▶ Jokalariak entzundako adierazpenak egia ala gezurra diren asmatu beharko dute. Bikoteek, banan-banan, adierazpenaz pentsatzen dutena esango dute: erantzuna ziurtasunez ematen badute, 3 puntu jarriko dituzte jokoa; ustea azaltzen badute, 2 puntu; litekeena azaltzen badute, puntu bat; ez dakitela esaten badute, 0 puntu.
- ▶ Apustuak, banan-banan, arbelean jarriko ditugu honela: 3 E (Baietz egia izan, 3 puntu jokoa).

JOKALARIAK	PUNTUAZIOAK
1. BIKOTEA	3 E
2. BIKOTEA	2 E

- ▶ Apustu guztiak entzundakoan, ikus-entzunezkoa martxan jarriko dugu berriro benetako erantzuna ezagutzeko.
- ▶ Erantzuna entzun ondoren, ikus-entzunezkoa eten egingo dugu berriro puntuazioak jasotzeko. Honela egingo dugu: erantzuna asmatu duten jokalariek, jokaturako puntuak irabaziko dituzte eta puntu horiek arbelean jasoko ditugu; erantzuna asmatu ez dutenei, aldiz, jokaturako puntuak kendu beharko dizkiegu.
- ▶ Puntuazioak jasota, ikus-entzunezkoa martxan jarriko dugu berriro hurrengo baieztapena agertu arte.
- ▶ Puntu gehien lortzen dituzten jokalariek irabazleak izango dira.



JOKOA PRESTATZEN: APUSTUAK



Irakurri azalpenak eta erantzun beheko galderei.

- ➔ “Euskal Herria, euskara eta Korrika” jokoan, **adierazpen**¹ batzuk entzungo dituzue, eta egia ala gezurra diren esan beharko duzue. Erantzuna **ziurtasunez**² ematen baduzue, 3 puntu jarriko dituzue jokoan; uste duzuela esaten baduzue, 2 puntu; ziurtasun txikia azaltzen baduzue, puntu 1; ez dakizuela esaten baduzue, 0 puntu.

Nola azaltzen da ziurtasuna? Eta ustea? Eta ziurtasun txikia? Eta **ezjakintasuna**³?

ERANTZUTEKO MODUAK

ZIUR BAZAUDE...

- Egia da / Gezurra da.
- **Egi borobila** da / **Gezur hutsa** da.
- Ziur **egia** / **gezurra dela**.

LITEKEENA DELA USTE BADUZU...

- **(Agian)**, egia / gezurra izango da.
- **Baliteke** egia / gezurra izatea.

USTE BADUZU...

- **Nire ustez**, egia / gezurra da.
- **Nik uste dut** egia / gezurra dela.
- **Nik esango nuke** egia / gezurra dela.

EZ BADAKIZU....

- **Ez dakit** / **Ideiarik ez**.

- ➔ Orain, erantzun galdera hauei goiko egiturak erabiliz.



1. Yucatán Mexikoko penintsula bat da. Zer esan nahi du “Yucatán” hitzak?

“Ez naiz hemengoa” esan nahi du.

EGIA ALA GEZURRA?

.....

.....



2. Denok dakigu zer den kangurua. Baina badakizue zer esan nahi duen?

“Arratoi saltaria” esan nahi du.

EGIA ALA GEZURRA?

.....

.....



3. *Hilerria*, gaztelaniaz, *cementerio* esaten da. Hitz hori antzinako grezieratik dator, “*koimetérion*” hitzetik. Zer esan nahi zuen hitz horrek?

“Logela” esan nahi du.

EGIA ALA GEZURRA?

.....

.....

1. **Adierazpen:** *expresión*
2. **Ziurtasunez:** *con seguridad*

3. **Ezjakintasuna:** *ignorancia*



INTERESGARRIA IZAN DA.



Jokoan, hainbat kontu ikasi ditugu Korrikari, euskarari eta Euskal Herriari buruz. Orain, aukeratu interesgarrienak eta idatzi hemen.

Interesgarria iruditu zaigu:

.....

.....

.....

.....



Zergatik?

.....

.....

.....

.....



Sinestezina iruditu zaigu:

.....

.....

.....

.....



Zergatik?

.....

.....

.....

.....





KORRIKA ARDURADUNEI ELKARRIZKETA

Ondoko aholkuak irakurri ondoren, irakurri artikulua eta jaso hitz berriak hurrengo orrialdeko zerrendan.



IRAKURTZEKO AHOLKUAK (*consejos para leer*)

a. Saiatu testua jarraian irakurtzen.

b. Irakurtzean, baliteke ulertzen ez dituzun hitzak edo esaldiak aurkitzea.

b.1. Hitz edo esaldi horiek **testua ulertzeko oztopoak badira**, saiatu esanahia argitzen (bilatu hiztegia, galdetu...).

b.2. Hitz batzuk ulertu ez arren, **testuaren hariari jarraitzen badiuzu, azpimarratu hitz horiek eta jarraitu irakurtzen.**

c. Testua irakurri ondoren, bilatu hitz berrien esanahia eta apuntatu, ez ahazteko.

a. Intenta leer el texto de un tirón.

b. Al leer, puede que encuentres palabras o frases que no entiendes.

b.1. Si esas palabras te impiden comprender el texto, intenta aclarar su significado (busca en el diccionario, pregunta...).

b.2. Si puedes seguir el hilo del texto a pesar de no entender algunas palabras, subráyalas y continúa leyendo.

c. Después de leer el texto, busca el significado de las palabras nuevas y apúntalas, para recordarlas.

Korrika badator!

AEK-k Korrika aurkeztu du San Telmo museoan, Donostian. Bertan, Asier Amondorekin hitz egin dugu, Korrikaren arduradunarekin.

Zer da Korrika?

Asier: Korrika euskararen aldeko **ekimenik**¹ handiena da. AEK-k antolatzen duen lasterketa erraldoia da eta Euskal Herri osoa zeharkatzen du.

Zergatik antolatzen da Korrika?

Asier: Korrikak bi helburu dauzka: lehenengoa, jakina, jendea animatzea da euskara ikasten eta erabiltzen; bigarren helburua ekonomikoa da, AEKren euskaltegiei laguntzeko dirua lortu nahi dugu eta.

Korrika San Telmo museoan aurkeztu duzue. Zergatik?

Asier: Korrika hau berezia izango da: 20. Korrika da. Horregatik, leku berezia aukeratu nahi izan dugu aurkezpena egiteko. Korrikan, dakizuen bezala, **lekuko**² bat eramaten dugu beti. Lekukoa eskuz esku pasatzen da, eta barruan mezu sekretua dauka. Mezu hori azken egunean irakurtzen da korrikalari guztien aurrean. Bada, Korrikaren lehenengo lekukoa, Remigio Mendiburu eskultoreak egin zuena, hemen dago, San Telmo museoan.

Nondik nora ibiliko da 20. Korrika?

Asierrek: 20. Korrika Otxandion hasiko da martxoaren 30ean eta Iruñean amaituko da apirilaren 9an. Bidean, beti bezala, 2.300 kilometro egingo ditu eta Euskal Herriko herri gehien-gehienetatik pasatuko da.



1. Ekimen: iniciativa

2. Lekuko: testigo

Zein izango da Korrikaren *leloa*³?

Asier: Leloa BATZUK izango da. Hitz-jokoa da BAT eta ZUK hitzekin. Hizkuntzak eta kulturak mundu BAT **osatzen**⁴ dute. Mundu horretan ZUK ere parte har dezakezu. Horrela, BAT eta ZUK bilduta, BATZUK leloa osatzen dugu.

Eta zein izango da aurtengo kanta?

Asier: Kanta oraindik sekretua da. Laster aurkeztuko dugu eta orduan entzungo duzue. Baina oraindik ez. Hori bai, beti bezala, kanta ederra izango da, seguru.

Nor omenduko du Korrika 20k?

Asier: Korrika, 1980an sortu eta gero, euskararen aldeko **ekimenik**⁵ handiena **bilakatu**⁶ da. Horregatik, edizio honetan Korrikaren **sortzaileak**⁷ omenduko ditugu.

- 3. Leloa: *iniciativa*
- 4. Osatu: *completar*
- 5. Ekimen: *iniciativa*
- 6. Bilakatu: *convertir(se)*
- 7. Sortzaile: *creador, -a*



Bilatu hitz berrien esanahia eta idatzi hemen: galdetu ikaskideei, bilatu hiztegian...

ULERTU EZ DITUDAN HITZAK	ESANAHIA
1.
2.
3.
4.
5.
6.
7.
8.
8.
10.



KORRIKARI BURUZ



Markelek, Berlinen bizi den lagun batek, Korrikari buruzko informazioa nahi du. Irakurri Markelen e-posta eta erantzun Korrikari buruzko informazioa emateko.

Fitxategia Editatu Ikusi Txertatu Formatua Aukerak Tresnak Laguntza

Bidali Ortografia Erantsi Segurtasuna Gorde

Nork: **Markel**

mail.aek.org

Nori: **Zuri**

Gaia: **Korrika**

Gorputzaren testua

DejaVu Sans

Aupa, lagunak.

Zer moduz? Nik hemenxe jarraitzen dut, Berlinen, lan eta lan. Ez kezkatu, kar-kar, ez dizuet idazten nire bizitza kontatzeko. Kontua da lagun batek esan didala Korrika aurkeztu dutela, baina ez dakit beste ezer.

Zuek jakingo duzue zerbait, ezta? Noiz hasiko da? Non? Aurreko Korrika Bilbon amaitu zen. Aurtengoa non amaituko da? Eta kanta? Entzun duzue? Nolakoa da? Badakizue noiz igaroko den Gasteizetik?

Kontatu dakizuen, mesedez, joateko gogo handia daukat eta. Zuek nora joango zarete, hasierara edo amaiera? Aurreko Korrikan, Urepelera joan nintzen eta oso ondo pasatu nuen.

Ondo ibili denok, eta idatzi ahal duzuenean.

Markel



Eitxategia

Editatu

Ikusi

Txertatu

Formatua

Aukerak

Tresnak

Laguntza

BidaliOrtografiaErantsiSegurtasunaGorde

Nor**k**:

Nik

mail.aek.org

Nori:

Markel

Gai**a**:

Korrika

Gorputzaren testuaDejaVu Sans



Euskal Herria, euskara eta Korrika. Transkripzioa.

Euskararen aldeko ekitaldirik handiena laster izango da berriro gure artean. Euskal Herri osoa, iparraldetik hegoaldera eta mendebaldetik ekialdera, pausoz pauso zeharkatzen du.

Euskal Herria. Euskara. Korrika. Hitz ezagunak. Askotan entzun eta esan ditugunak. Baina zer dakigu haiei buruz? Zer dakigu Euskal Herriari buruz? Eta euskarari buruz? Eta Korrikari buruz?

EUSKAL HERRIA

Euskal Herria terminoak, hitzez hitz, euskararen lurraldea esan nahi du.

1. Euskal Herria terminoa Sabino Aranak asmatu zuen 1896. urtean.

Sabino Aranak Euzkadi hitza asmatu zuen, 1896. urtean. Euskal Herria terminoa, aldiz, zaharragoa da. Aurkitu diren lehenengo aipamenak XVI. eta XVII. mendeetakoak dira.

Euskal Herria Europako hegoaldean dago. Europako herrialdea da; ez da handiena, baina txikiena ere ez.

2. Euskal Herriak eta Suitzak tamaina berdintsua daukate.

Euskal Herriak 21.000 km² dauzka; Suitzak, berriz, 41.000 km².

Zazpi herrialdek osatzen dute Euskal Herria: Araba, Bizkaia, Gipuzkoa, Lapurdi, Nafarroa Beherea, Nafarroa Garaia eta Zuberoa.

Herrialde handiena Nafarroa Garaia da; txikiena, Zuberoa.

3. Bigarren herrialde handiena Araba da.

Egia da. Nafarroa Garaiak 10.421 km² dauzka; Arabak 3.316 km²; Bizkaiak 2.236 km²; Gipuzkoak 1.980 km²; Nafarroa Behereak, 1325 km²; Lapurdik 855 km²; eta Zuberoak 814 km².

Herrialdez herrialde, oso paisaia desberdinak aurkituko ditugu. Baina badago herrialde guztiak batzen dituen kontu bat: euskara.

EUSKARA

Munduan hizkuntza asko hitz egiten dira.

4. Munduan 3.000 hizkuntza baino gehiago hitz egiten dira.

Kalkulatzen da, gaur egun, 7.000 hizkuntza inguru daudela munduan.

5. Munduan gehien hitz egiten den hizkuntza ingelera da.

Hizkuntza batzuek hiltun asko dituzte: Txinerak 900 milioi inguru; ingelesak 470 milioi; hindiak 420; gaztelaniak 360... Baina hizkuntza gehien-gehienek hiltun gutxi dituzte, 100.000 baino gutxiago, eta galtzeko arriskuan daude.

Hizkuntzekin 0tik 10erako rankinga egiten badugu, 10ean txinera jarrita eta 0n galdu den azken hizkuntza, non jarri beharko dugu euskara?

6. Euskara, gutxi gorabehera, erdian dago, 5ean.

Harrigarria irudituko zaizue, agian, baina euskara 9. postutik gora egongo litzateke zerrenda horretan. Izan ere, Eusko Jaurlaritzaren 2011ko inkestaren arabera, euskarak 714.136 hiltun ditu.

Euskal Herrian, hiru hizkuntza ofizial ditugu: euskara, gaztelania eta frantsesa. Halere, ez dira gure herrietan entzuten diren hizkuntza bakarrik.

6. Euskal Herrian, 100 hizkuntza baino gehiago hitz egiten dira.

Unesco Etxeak eta Ikuspegik 2007an egindako ikerketa baten arabera, 100 hizkuntza baino gehiago hitz egiten dira Euskal Herrian.

Hizkuntza nagusiak, jakina, euskara, gaztelania eta frantsesa dira.

8. Euskal Herriko 4. hizkuntza garrantzitsuena txinera da .

Hiru hizkuntza ofizialen atzean, Euskal Herrian gehien erabiltzen den hizkuntza arabiera da.

Euskarak bost euskalki ditu: mendebaldeko euskalkia edo bizkaiera, erdialdeko euskalkia edo gipuzkera, nafar-lapurtar euskalkia, nafar euskalkia era zuberotar euskalkia.

**9. Euskalkien lehenengo mapa Napoleon Bonaparteren ilobak egin zuen.**

Euskalkien lehenengo mapa Luis Luziano Bonapartek egin zuen, Napoleonek ilobak.

Euskara hizkuntza zaharra da.

10. Euskara orain dela 3.000 bat urte sortu zen.

Oraindik ez dago argi noiz eta non sortu zen. Ematen du duela 8.000 urte aintzineuskara, euskararen aurrekari bat, hitz egiten zela Pirinioen inguruan.

11. Lehenengo esaldi idatzia Errioxako kobazulo batean aurkitu zen.

Lehenengo esaldi idatziak X. mendekoak dira, eta Susoko monasterioan aurkitu ziren, Errioxan.

Hizkuntza zaharra da gure euskara. Baina gaur egungo hizkuntza ere bada, eta hedabide moderno guztietara iristen da: telebistara, irratiara, egunkarietara, Internetara...

12. Wikipedian, euskara 35. hizkuntza garrantzitsuen da.

Wikipedia, adibidez, 287 hizkuntzatan idatzita dago, eta horien artean euskara 35. lekuan dago: 181.000 artikulua daude gure hizkuntzan idatzita.

Euskara Euskal Herri osoko hizkuntza da, eta mezu hori aldarrikatzeko Korrika etorriko zaigu berriro 2017an.

KORRIKA

Bi urte pasatu dira azken Korrikatik. Laster, 2017ko udaberrian, berriro ikusi ahal izango dugu gure herrietan euskararen aldeko lasterketa erraldoia. 20. Korrika.

13. Lehenengo korrika 1977an egin zen.

Lehenengo Korrika 1980an egin zen, Oñatitik Bilbora.

14. Korrikaren ideia Irlandatik hartu zen, "Rith" lasterketatik, hain zuzen ere.

Idea lagun batzuen arteko afarian sortu omen zen, eta hasiera-hasieratik arrakasta handia izan zuen. Geroztik, beste herri batzuetara ere zabaldu da Korrikaren ideia: Galizian, "Correlingua" antolatzen dute; Britainian, "Ar Redadeg"; Irlandan, "Rith"...

15. Korrikan, gelditu gabe, 2.300 bat kilometro egiten dira.

Edizio bakoitzean, Korrikaren ibilbidea aldatu egiten da. Gau eta egun, gelditu gabe, 2.300 bat kilometro egiten dira.

Korrikalariak egurrezko lekuko bat eramaten dute eskuetan. Lekukoaren barruan, mezu bat dago gordeta. Mezu ezkutua Korrikaren azken egunean irakurtzen da.

16. Korrikaren lehenengo lekukoa San Telmo museoan dago.

Lehenengo lekukoa Remigio Mendiburuk egin zuen, eta gaur egun San Telmo museoan dago.

Korrika bakoitzak bere leloa du. Bere kanta.

17. Lehenengo Korrikaren kanta Benito Lertxundik egin zuen.

Lehenengo Korrikaren kanta Amuriza bertsolariak egin zuen. Geroztik, euskal kantari askok hartu izan dute parte Korrika-kantetan.

Korrika bakoitzak pertsonaia edo erakunde bat omentzen du.

18. Azken Korrikaren omendua Durangoko Azoka izan da.

Korrika 19k, esaterako, Durangoko azoka omendu zuen.

Laster, bere omendu berriarekin, bere kanta berriarekin, bere lelo berriarekin, Korrika 20 hasiko da. Eta, berriro ere, euskararen lekukoa eramango du Euskal Herriko bazter guztietara.